



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. CXXXV. Laudate nomen Domini, laudate, &c. Carm. gen. 1.

[urn:nbn:de:hbz:466:1-69145](https://nbn-resolving.de/urn:nbn:de:hbz:466:1-69145)

PSAL. CXX X IIII. Ecce,nunc benedictie Domino, &c. Carm. gen.3.

D Omini ministri, nocte qui custodię
Sancti excubatis atrij,
Laudate Dominum laudibus, donec sacro
Nox annuit silentio.
Interq; laudes mentibus puris manus
Cælo supinas tollite.
Et uos beabit Dominus iuicem omnibus
Cæli soliq; commodis:
Dominus Siōnem qui tuetur, unicus
Cæli soliq; conditor.

PSAL. CXXXV. Laudate nomen Domini, laudate, &c. Carm gen.1.

V Os quibus est sacri custodia credita tēpli,
Eia Deum laudate: Deū celebrate ministri
Qui sacra assidua uigilatis ad atria cura.
Eia Deum laudate bonum, nomenq; beatum
Tollite perpetuo uestro super æthera cantu.
Quippe Iacobum ultro legit, lectumq; dicauit
Hunc sibi, ceu priuam patrimonij in sæcula for tem.

Nota quidē Domini est immēsa potētia, notū
Numen: quippe deos sub te premit altior o mnes,

Quos alij stolida placant ceu numina cura.
Versat enim nutu cælo, terraq; mariq;, Aut

Aut si quod cęcis clausū est penetrale tenebris
 Naturę, quodcunq; libet. de uiscere terræ
 Euocat & liquido suspendit in aëre nubes:
 Fulguribusq; uagis uenientes præuenit imbres
 Deq; suis promit uentorum flamina gazis.
 Ille hominū primos fœt' pecudumq; per arua
 Diuitis Aegypti stravit: regemq; superbum,
 Et quicunq; bibunt septēlua flumina Nili,
 Terruit ostentis: ualidis ille oppida muris
 Turrita euertit: numeroſo milite cinctos
 Cum stirpe extinxit uiolento funere reges,
 Quiq; Amorrahæis Seon regnatit in oris,
 Quiq; Balau Ogus magna ditione tenebat,
 Regnaq; non uni Cananæia subdita ſceptro:
 Aruaq; deiectis nuper uiduata tyrannis,
 Accepere nouos Iacobi ē stirpe colonos.

Sancte parés rerū, qui iusto examine nosti
 Parcer subiectis & debellare superbos,
 Posteritas te sera canet: tua splendida facta
 Nulla unquam ex animis tollent obliuia no-
 stris.

At sibi quæ uarijs finxit ſimulacra figuris
 Vana ſuperſtitio, calidis fornacibus aurum
 Argentumue liquans, nil ſunt niſi ludicra dex-
 træ

Humanæ commenta: illis os uocis in anc:
 Lucis egent oculi: ſurdas ſonus aduolat aures:
 Et patulas fruſtra nares iucundus odorū
 Halitus incurſat: calidus non pectora pulſat
 Spiritus. O quisquis ludibria tali a fingit,

R

Aut colit, ipse suis similis dijs exigat æuum,
Mentis inops, & lucis egēs: non aure nec ore
Accipiat reddātue sonos: nec nare sagaci
Sentiat halantes per prata uidentia flores.

Tu uero, genus à magno Israele profectum
Et domus Aronis, genitiq; è sanguine Leui,
Et quicunq; pio rerum uenerare parentem
Obsequio, laudate Deum qui tecta Sionis
Ardua, qui sacram Solymæ bonus incolit adé

PSAL. CXXXVI. Confitemini Domi-
no, quoniam bonus, &c. Carm. gen. 2.

Eia Deum laudate, Deū facilemq; bonumq;
Larga benignum semper indulgentia.
Eia Deū laudate. Deus namq; ille deorum est,
Larga benignus semper indulgentia.
Cui Domini rerum submittunt sceptra tyrani,
Larga benigno semper indulgentia.
Qui facit attonito solus miracula mundo,
Larga benignus semper indulgentia,
Qui nitidos mira arte polū conuoluit in orbes,
Larga benignus semper indulgentia.
Qui liquidis terras emergere iussit ab undis,
Larga benignus semper indulgentia.
Qui uitreo accedit flammantia lumina cælo,
Larga benignus semper indulgentia.
Qui solem auricomum iussit dare iura diei,
Larga benignus semper indulgentia.
Qui lunā & stellas teuebras distinguere noctis
iussit,